

არასამეწარმეო (არაკომერციული) იურიდიული პირის
„სკოლის გარეშე სახელოვნებო საგანმანათლებლო დაწესებულება -
ქალაქ ახალციხის სამხატვრო სკოლა“

წესდება

ქალაქი ახალციხე

მუხლი 1. იურიდიული პირის სტატუსი და ადგილსამყოფელი

1. არასამეწარმეო (არაკომერციული) იურიდიული პირი - „სკოლის გარეშე სახელოვნებო საგანმანათლებლო დაწესებულება - ქალაქ ახალციხის სამხატვრო სკოლა“ (შემდგომში წესდებაში სამხატვრო სკოლა) დაფუძნებულია ქალაქ ახალციხის მუნიციპალიტეტის მერიის მიერ.

2. „სამხატვრო სკოლა“-ს აქვს დამოუკიდებელი ბალანსი, შტამპი, მრგვალი ბეჭედი, სახაზინო და საბანკო ანგარიშები, იურიდიული პირის სხვა რეკვიზიტები.

3. საქმიანობის სამართლებრივ საფუძველს წარმოადგენს საქართველოს კონსტიტუცია, საქართველოს კანონები, ეს წესდება და საქართველოს განათლებისა და მეცნიერების სამინისტროს სამეცნიერო მეთოდური ცენტრის რეკომენდაციები.

4. „სამხატვრო სკოლა“ საკუთარი სახელით იძენს უფლებებსა და მოვალეობებს, დებს გარიგებებს ფიზიკურ და იურიდიულ პირებთან, შეუძლია გამოვიდეს სასამართლოში მოსარჩელედ ან მოპასუხედ.

5. „სამხატვრო სკოლა“-ს იურიდიული მისამართია: ქ. ახალციხე, შ. ახალციხელის ქ. N2.

6. ელ. ფოსტა :qaxalcixexatva@mail.ru

მუხლი 2. ა(ა)იპ „სკოლის გარეშე სახელოვნებო საგანმანათლებლო დაწესებულება - ქალაქ ახალციხის სამხატვრო სკოლა“-ს მიზნები და ამოცანები.

1. იურიდიული პირის მიზნებია:

ა) მისცეს მოსწავლეებს დაწყებითი 6 წლიანი სამხატვრო განათლება, სათანადო კვალიფიკაციის მქონე პედაგოგთა მეშვეობით.

ბ) „სამხატვრო სკოლაში“ განახორციელოს დაწყებითი სახელოვნებო საგანმანათლებლო პროგრამა.

გ) საფუძველი ჩაუყაროს მოსწავლის აზროვნების, ემოციურის სამყაროს და ნებისყოფის ფორმირებისას, მის გონებრივ, ზნეობრივ და ესთეტიკურ აღზრდას, სხვისი აზრისა და საკუთრების პატივისცემას, ხელი შეუწყოს მოზარდის ჯანმრთელობის განმტკიცებას.

მუხლი 3. ა(ა)იპ „სკოლისგარეშე სახელოვნებო საგანმანათლებლო დაწესებულების - ქალაქ ახალციხის სამხატვრო სკოლის“ უფლება-მოვალეობანი

1. იურიდიული პირი უფლებამოსილია:

ა) უზრუნველყოს მოსწავლეებს დაწყებითი 6 წლიანი სამხატვრო განათლების, სახელოვნებო საგანმანათლებლო პროგრამის, სკოლის მოსწავლეების გონებრივი, ზნეობრივ და ესთეტიკური აღზრდის ჩამოყალიბება.

ბ) მოქმედი კანონმდებლობისა და ამ წესდების საფუძველზე, განკარგოს მასზე რიცხული უძრავ-მოდრავი ქონება და ფინანსური სახსრები.

გ) მოამზადოს და ქალაქ ახალციხის მუნიციპალიტეტის მერიას წარუდგინოს წინადადებები სამსახურის მუშაობის გაუმჯობესების მიზნით;

დ) კომპეტენციის ფარგლებში გააფორმოს ხელშეკრულებები საქართველოს ან საზღვარგარეთის ქვეყნების ფიზიკურ და იურიდიულ პირებთან.

ე) განახორციელოს კანონმდებლობით გათვალისწინებული სხვა ქმედებები.

2. იურიდიულ პირს მხოლოდ ქალაქ ახალციხის მუნიციპალიტეტის მერიასთან შეთანხმებით შეუძლია განახორციელოს შემდეგი საქმიანობა:

ა) სესხის აღება;

ბ) ქონების შეძენა, განკარგვა და საქართველოს სამოქალაქო კოდექსით გათვალისწინებული სხვა ფორმებით გადაცემა, უფლებრივად დატვირთვა;

გ) სტრუქტურის, საშტატო განრიგისა და სახელფასო ფონდის განსაზღვრა.

3. იურიდიული პირი ვალდებულია:

ა) საქმიანობა წარმართოს მოქმედი კანონმდებლობის შესაბამისად;

ბ) შეასრულოს მოქმედი კანონმდებლობიდან და დადებული ხელშეკრულებებიდან გამომდინარე ვალდებულებები;

გ) მოქმედი კანონმდებლობის შესაბამისად დანერგოს მუშაობის ახალი ფორმები სამხატვრო სკოლაში, გაითვალისწინოს პერსონალის ინტერესები, მოთხოვნები და წინადადებები.;

1.4. „სამხატვრო სკოლის“ დამთავრებისას გაიცემა შესაბამისი საფეხურის დასრულების დამადასტურებელი მოწმობა.

მუხლი 4. იურიდიული პირის სტრუქტურა და მართვა

1. იურიდიულ პირს ხელმძღვანელობს დირექტორი, რომელსაც თანამდებობაზე ნიშნავს და თანამდებობიდან ათავისუფლებს ქალაქ ახალციხის მუნიციპალიტეტის მერი.

2. იურიდიული პირის დირექტორი:

ა) საქმეებს უძღვება ერთპიროვნულად, მასვე ეკისრება იურიდიული პირის წარმომადგენლობა და პერსონალურად აგებს პასუხს მისი საქმიანობის სწორად წარმართვაზე; კანონით დადგენილი წესით ნიშნავს და ათავისუფლებს იურიდიული პირის თანამშრომლებს;

ბ) ქალაქ ახალციხის მუნიციპალიტეტის მერიას წარუდგენს იურიდიული პირის სტრუქტურას, საშტატო განრიგს და სახელფასო ფონდს დასამტკიცებლად.

გ) კანონმდებლობის შესაბამისად განაგებს სამსახურის ფინანსურ და მატერიალურ საშუალებებს, ეკისრება პერსონალური პასუხისმგებლობა იურიდიული პირის სარგებლობაში არსებულ ქონებაზე, ფულადი სახსრების მიზნობრივად ხარჯვაზე.

დ) დადგენილი წესით ხსნის ანგარიშებს და ახორციელებს კანონით გათვალისწინებულ შესაბამის გადარიცხვებს.

ე) წარმართავს შრომით ურთიერთობებს, დებს შრომით ხელშეკრულებებს, იცავს თანამშრომელთა უფლებებს, კანონის ფარგლებში მუშაკთა მიმართ იღებს დისციპლინარულ და წამახალისებელ ზომებს, გამორჩეულ მუშაკებს წარადგენს ჯილდოზე.

ვ) კომპეტენციის ფარგლებში გამოსცემს ინდივიდუალურ სამართლებრივ აქტებს, ახორციელებს იურიდიული პირის ფუნქციონირებისა და განვითარების აუცილებელ კანონმდებლობით ნებადართულ სხვა საქმიანობას.

ზ) იურიდიული პირის წინაშე მდგარი საკითხების გადასაწყვეტად ქმნის დროებით სამუშაო ჯგუფებს, კომისიებს.

თ) შეიმუშავებს და ამტკიცებს:

თ.ა) იურიდიული პირის შინაგანაწესს.

ი) საქართველოს კანონმდებლობის შესაბამისად, ახორციელებს სხვა საქმიანობას.

მუხლი 5. იურიდიული პირის ქონება

იურიდიული პირის ბალანსზე არსებული ქონება, სხვა ქონებასთან ერთად, გამოიყენება მხოლოდ წესდებით დასახული მიზნებისა და ამოცანების შესასრულებლად. ქონებრივი საკითხები რეგულირდება საქართველოს ორგანული კანონი „ადგილობრივი თვითმმართველობის კოდექსი“-ის მოთხოვნების შესაბამისად.

მუხლი 6. იურიდიული პირის ფინანსური სახსრები

1. იურიდიული პირის ფინანსური სახსრებია:

ა) ქალაქ ახალციხის მუნიციპალიტეტის ბიუჯეტიდან გამოყოფილი მიზნობრივი სახსრები, რომლებიც გამოიყენება მხოლოდ სამსახურის დებულებით განსაზღვრული მიზნებისა და ამოცანების განსახორციელებლად.

ბ) საქართველოს კანონმდებლობით ნებადართული სხვა შემოსავალი.

მუხლი 7. იურიდიული პირის საქმიანობის ბუღალტრული აღრიცხვა-ანგარიშგება

იურიდიული პირი ვალდებულია საქართველოს კანონმდებლობით დადგენილი წესით აწარმოოს საფინანსო-ეკონომიკური საქმიანობის აღრიცხვა-ანგარიშგება, შეადგინოს ბალანსი და დადგენილ ვადაში წარუდგინოს ქალაქ ახალციხის მუნიციპალიტეტის მერიას.

მუხლი 8. იურიდიული პირის კონტროლი

1. იურიდიული პირის საქმიანობა ექვემდებარება კონტროლს, რაც გულისხმობს მის მიერ განხორციელებული საქმიანობების კანონიერების მიზანშეწონილობის, ეფექტურობისა და საფინანსო-ეკონომიკური საქმიანობის ზედამხედველობას.
2. იურიდიული პირის კონტროლის განმახორციელებელი ორგანოა ქალაქ ახალციხის მუნიციპალიტეტის მერია, რომელსაც უფლება ააქვს მოითხოვოს კონტროლის განსახორციელებლად საჭირო ინფორმაციისა და მასალების წარმოდგენა.
3. კანონმდებლობით დადგენილი წესით, კონტროლის განმახორციელებელი ორგანო უფლებამოსილია შეაჩეროს ან გააუქმოს იურიდიული პირის არამართლზომიერი გადაწყვეტილება.

მუხლი 9. იურიდიული პირის რეორგანიზაცია და ლიკვიდაცია

იურიდიული პირის რეორგანიზაცია და ლიკვიდაციაზე გადაწყვეტილებას, ქალაქ ახალციხის მუნიციპალიტეტის თანხმობით, იღებს ქალაქ ახალციხის მუნიციპალიტეტის მერია საქართველოს კანონმდებლობით დადგენილი წესით.

მუხლი 10. წესდებაში ცვლილების შეტანის წესი

წესდებაში ცვლილებების და დამატებების შეტანა ხორციელდება ქალაქ ახალციხის მუნიციპალიტეტის მერიის მიერ, საქართველოს კანონმდებლობით დადგენილი წესით.